



服部文庫
417
2099
10

99
10
1



七言律詩



題懷仙閣

鶴千秋紫氣自知君日懸霄漢迴雙闕夜敞星辰拂
五雲此去帝居終咫尺鳳簫時向月中聞

中秋泛江

大江秋滿興悠哉萬里觀濤濁酒杯明月忽從黿首
出長風遙送客槎來夜光寒動驪龍窟海氣晴開玉
女臺安擬載乘裁七發仙帆直欲到蓬萊

九日送別

去矣天涯旅服單嚴霜此日下江干已含千里河梁
恨無奈雙鳥南北看渤海秋陰迷別路關山木葉促
歸鞍黃花更送重陽色短髮臨風帽自寒

贈萃玉

昔憶山陽一酒卮醉中青眼舊相知謾言雄劍終難
合更問明珠投向誰書就豈應同叔夜調高元自少
鐘期近來交態何踈索還使吾曹命駕遲

鹿洲觀海

海氣蒼茫駭水中扶桑極目對長風東南忽盡蜻蜒
國日月遙含碣石宮怒浪衝天雷勢激崩雲觸岸雪

萃空壯觀都入玄虛賦萬古誰能得競雄

送人歸隱兗道

皇城近指白雲隈一壑東南去不回帝子風塵悲異
代鳳凰今古有荒臺許瓢好向清川汲禹鑿遙通淡
海來秋冷薜蘿堪授服更知靈媛待君裁

和某公月夜查省中樓之作

千門宿衛五雲邊劍佩聲收轉肅然夜冷明光閑對
月樓高咫尺欲窺天紫宮晴傍龍顏敞正露秋臨仙
掌懸起草田來誰得比彩毫新擬謝莊篇

送久世君侯監荒河之役

關中列郡日相望已報輶車發建章河勢忽隨龍節
轉地形遙接鳳城長漢庭舍命黃金賜禹跡巡功画
省高見說桃花春水穩自應佳氣滿宣浩

春日宴某侯墨水莊二首

清江流水繞橫塘宴賞疑遊金谷莊北渚烟_客酒_醑芳_草
暖東園花對綺筵香捲簾柳絮春如雪勸_醑醑_酒滿
滿觴別有池亭通画舸醉歌更入採菱長
莫道良辰嘉會難使君春興滿杯盤昂看琴瑟逢多
暇况復風光促整歡水閣含暗連繡幕江帆送色入
朱欄但緣歌吹能留客落日花間宴未闌

中秋獨酌

江天搖落武昌東病起登樓思不窮明月故山寒桂
樹清砧今夜送秋風浮雲忽向鴻邊盡濁酒誰應客
裡同強自把杯難作醉蕭條回首歎飄蓬

飲馬長城窟

秦皇當日築長城外窟寒流水清胡地健兒常飲
馬漢家飛將復提兵關門夜掛烽烟色幕府秋高戰
伐情鐵騎如雲齊攬轡遙知漠北作橫

九日遊山寺

雲裡蓮宮小客攀何妨獨往到廬山重陽把菊祇園

下落日登臺幾率間。初地歲華啼鳥弄雙峰。秋色老僧閑。陶家濁酒誰相送。散髮逃禪曉未還。

送人歸隱西京嵯峨

十歲風塵客跡深。天涯興盡一抽簪。歸來賣藥長安裡。老去逃名洞壑陰。落日嵐山富隱几。清秋桂水入鳴琴。知音唯有相思夢。遠夜直乘明月尋。

送原生歸海西

匹馬翻翻氣壯哉。行裝六月海西回。昂知君有凌霄翮。此去誰同避暑杯。玉筍過關東道險。羣城解纜大江開。布帆無恙時相憶。到日緘書莫惜裁。

早春寄懷友人客居總北二首

暹日登樓憶所親。晴光千里一傷神。已聽黃鳥鳴幽谷。且見親梅媚上春。燕趙論交曾結客。風塵避跡遠依人。只今誰得知名姓。正好投竿東海濱。

清江一望晚悠悠。總北風光入客愁。落日書來鴻雁渚。芳樽春滿鳳凰樓。謾思朋好含杯興。無那龍鐘仗劍遊。借問萍蹤何所似。森茫滄海有扁舟。

送慈麟禪師歸加州大乘寺

大乘名利倚空山。閑士金輪向北還。已見摩尼光自動。遙知蘭若境偏閑。孤雲縹緲江湖外。客路崎嶇信

越間更憶龍華三會地勝因能得幾時攀

九日霞閣集送新帥公奉使浪華得五微

漢處仙使自輕肥此日乘驄授客衣祖席香醪堪盡

醉龍山嘉會豈應違貌貅病衛元稱帥驛路風霜凜

有威見說南金城千里固長臨西海輔京畿

歲杪送安達道士歸故山玉泉觀二首

小角仙人不可從名山何處寄高蹤天涯送別歲云

暮洞裡歸來雪滿峰夜欲架橋堪使息朝看乘杖化

為龍聞君更受神符去石室深藏好自封

都門分手朔雲生君去偏如飛鳥飛一向吾曹聊玩

世豈期仙客此同盟但言五嶽遊將遍復見千秋景
已成歸興故山誰共好臨溪獨挹玉泉清

六

聽潮館集得心魚

使君亭館上頭居多暇開筵興有餘苑後江潮傳響

爨樽前春鳥弄晴初把杯階樹花齊發勸客盤餐玉

不如但為滄洲接朱邨風流能自混樵漁

送菅長卿之西京謁北野廟

關中河嶽此西征賦就應憐今古情遠見彩雲通紫

極更知祖廟鎮皇城祠壇五夜窺精爽俎豆千秋自

肅清始信文章有神助君家博士世傳名

秋日送松叔豹歸省北越

微負笈諸生越徼回都門
送暫徘徊三秋陟岵白雲
起千里思家落木催北陸
河山驚邈矣心風湖海入
悲哉行人安穩無窮路到日
斑衣好爲裁

嘉薄命

良家兒女漢宮粧錦帳繡成
雙鳳凰征馬北風嘶瀚
海昭君中夜侍戎王玉門關
外秋鴻度白草城邊孤
月光相顧誰憐嘉薄命空令
紅淚濕羅衣

春晴集金井侯池館

滿園佳氣鳳城東大守開樽酒
不空北海尋常堪醉

客蘭臺百尺倚雄風簾斜流水
春愈綠花外晴霞晚
更紅總是高陽池上侶共憐
嘉會興無窮

過谷君長墨水舊居

負郭田園一草堂主人安在白雲鄉
琴書已矣塵空
掩門卷蕭然跡就荒暮笛他時思
叔夜秋風落日滿
山陽招魂更上長堤望墨水悠悠
淚濕裳

永代橋望西山晴雪同用一東

百尺謹橋望不窮三峰積雪掛遙空
寒光日射帆檣
外秀色晴浮滄海東影滿鳳城雲
自散氣擎仙掌曉
初通天邊極目飛揚甚奮翮將朝
白帝宮

送福子幹之還州巖邑

十歲窮愁書已成黃金新賜趙虞卿侯家寵遇堪虛
左藝苑風流舊擅名路入岐岨臨九折心連巖邑擁
孤城此行何更辭艱險好吞夷門執轡情

送德田氏遊宦京師

將向京華候紫垣百年微祿豈容論周官舊著朝廷
籍漢省終分雨露恩歲祭山川天使下時看玉帛有
司存但言王事偏多暇正好常遊丞相門

奉和金井侯謁陵之作

先朝陵寢翠微間隨例群公伏謁還豐捧鳳翔開玉

殿地會龍勢擁青山千秋不盡風雲氣此日猶看鷲
鷲班依舊歲寒松柏色高標元自少人攀

金井侯新樓宴集時值至日

酒
高樓新倚彩雲隈此日青霄獻履回猶見逢迎遺綬
冕更移琴瑟共徘徊氣連金闕憑軒望暖擁華筵入
酒來百尺構成須自愛非君誰是棟梁才

賦得夢美人彈箏

洞房春夢夜紛紛帳裡鳴箏過楚雲坐覺餘音歸縹
緲晴含清怨倚氤氳停絃顧眄心將語背燭徘徊影
自分彷彿曲終款款處五更風雨不堪聞

子微子良將歸張海余時有身喪

鵲鴿原上倚黃昏握手踟躕草露繁駒隙百年丘隴
駐鴈行四海爾曹存歸歟將共江湖興逝矣難招真
漢魂何事死生同作別衰顏獨自掩啼痕

早秋奉送山縣侯歸封金井城

玉帛朝辭帝鑑宮使君行色倚驕驄山川漸轉雙幡
外驛路遙連千騎東關入白河秋已動城稱金井鎮
偏雄憑高且執封疆大製錦應綠彩筆工

送新井田氏歸松前

歸程萬里入遙空客有揚鞭逐塞鴻邊郡更過南部

大蕃城高倚北溟雄蝦夷國擁窮荒地山海經傳異
俗風鄉黨且朝蒙汝化他時不讓蜀文翁

子昌村居

野徑斜通竹樹陰相携村興入幽襟昂看沮溺為隣
住且愛田園繞屋深地靜鳴鳩催懶睡籬疎流水送
清音莫言城遠無供給濁酒堪酬避世心

士寧華玉約與余泛舟墨水詩以促之

蘓忌松酒上仙舟潦倒將隨李郭遊錦纜風清堪避
暑金樽月出忽生秋江流自信披襟動夜色遙連吹
笛浮此興人間難可得期君携手向滄洲

友人宅守歲

相逢樽酒故人廬。四壁風霜滿歲除。五夜更看星斗
勢。百年無那鬢毛疎。唯應醉態酬知己。何用窮愁問
著書。共道吾曹攜手好。陽春明日遍樵漁。

七月七日烏羽侯新就國作此奉送

玉露金莖漢闕頭。星河遠送旆旌流。好憑熊軾臨藩
鎮。不比仙槎犯斗牛。十五國風東海道。芙蓉嶽色白
雲秋。封疆民度爭迎拜。到處謳歌擁紫騮。

九日聽潮閣宴集分韻豪字

聽潮閣上此登高。開宴黃花泛酒醪。但怪雲霄終尺

尺。那思冠冕對吾曹。合杯澤國連搖落。倚檻秋晴靜
海濤。佳節龍山何限興。詩成滿坐不停毫。

寄題日出侯望海樓

海上朝開日出光。城樓高擁對扶桑。坐來登眺山河
固。石得封疆歲月長。萬里潮生連睥睨。九州天盡入
蒼茫。鯨波不起西溟靜。正好絃歌醉玉觴。

江村客夜

江村投宿不成眠。撫枕歸心夜杳然。楚塞寒鴻空自
度。長沙遷客有誰憐。潮回石岸灘聲激。雨暗蘆洲燈
影懸。生覺孤身無處寄。故園千里隔風烟。

醉美人

宮殿沈沈露日華美人春醉駐紅霞但思仙掌分清
露傾画娥眉侍大家玉柱謾移朱瑟調金釵猶護綠
雲斜下階羅轂從將解數步還迷內苑花

携家重遊函谷三首

十年猶記舊山川回首重窺函谷天舉室相携巖壑
下投后高倚岫雲邊長安幾日過關去蜀道千盤擁
樹懸零褐未酬俱隱志五噫深愧伯鸞賢
玉笥峰陰東澤隈烟霞無恙再徘徊唯憐痼疾終為
性更喜溫泉堪洗埃灌木連雲山勢合懸流穿石雨

聲來應須晚膳供薇蕨僮僕時隨樵者回
懸厓百尺此登樓滿眼山光入昔遊幽壑響傳仙嘯
落連屏翠信客顏浮林深白日松杉冷窟晴玄雲虎
豹愁耕織我曹生事足他時將著鹿皮裘

贈烟波釣叟

白髮乾坤一釣槎老來湖海未為家西江夜月滄浪
曲北渚秋風蘆荻花何用卧高依帝座但憐機息靜
鷗沙片心不繫人間世鼓枻烟波跡自遐

墨梅

見說神人冰雪姿天真無恙影參差且懸夜月朦朧

色不辨春風南北枝獨處但應誇綽約仙粧何用倚
臙脂氤氳坐怪寒香動正是羅浮夢斷時

題留侯圖

十歲留神孺子顏溫然圯上受書還祖龍景影雷霆
激翳晦收威天地閑三寸每談王者側指揮寧事馬
蹄間俱成漢業蕭韓輩選穀終慵列此班

諸君集子綽宅余病負約賦贈

詞客同傳春酒觴新年醉興滿高陽共誇文運歸吾
黨轉見才名自雁行彩筆如林花綺麗青霄奮翮日
飛揚獨憐蒲柳蕭條色孤負風光倚草堂

和鳴歸德獻歲之作

玉漏傳籌漢殿開詞臣鳴佩入班來先朝寵遇勒銘
選西苑風流托乘才仙掌曉懸雙闕外主恩春發五
雲隈錦袍拜賜歌新曲坐覺丹墀暖自回

贈仲明

故人隣並靜茅茨謝客樓邊赤水涯非有拂衣辭斗
未還能緩帶避驅馳歲年戶牖常深閉咫尺園庭亦
不窺但道病軀耽典籍此生何用覓相知

旭辨師歸繼純負師歸張作此贈別

雲遊幾歲共江湖故國為隣跡不孤但道蓮華歸各

社更知滄海掛雙珠牛車日轉關山遠客館秋清月
露殊見說光明堪並照津梁到處是吾徒

九日奉贈金井侯

散髮踈慵孟萬年蓬蒿脫帽擁愁眠欲將酣暢酬佳
節那得風流接盛筵數畝菊花侯苑色無邊秋雨鳳
城天不妨絲竹登高興百尺樓臺紫陌前

十日新晴晤賞館集得一先

黃花駐色苑牆邊爽氣終閑積雨天鳳闕新晴連邨
筍龍山餘興共周旋三秋搖落含杯外十日交歡挂
笏前悟賞由來存目擊此心將向醉中傳

歲杪田中山客遊京師作此寄懷

羨爾西征賦已傳神州佳麗滿山川足看周邵為風
首始信長安近日邊遊子歲晚思遠道新鴻湖海望
遙天窮陰坐促離群恨更恐東歸或隔年

七言古詩

秋夜吟

秋夜蕭々秋雨聲枕上燈下夢難成愁緒萬端將告
誰臥床展轉祇自知蟋蟀三更鳴不息坐疑子細解
我悲

海月篇分韻各字

武昌城上海天秋清暮風烟未全收
斯須月輪亭上潮平雲盡天地浮
此時乘晴興不淺載酒携友倚
高樓梁園授簡何足羨廣陵觀濤
不可求况復青雲魏闕思相息
聊作江海遊百年人事都如夢
冰心對月轉悠悠明月一輪秋
一色千里萬里金波流天上
王京何處是蟾宮近指積水頭
濤聲忽疑仙樂起清風傳響滿
汀洲蒹葭蒼々白露冷鴻雁聲
々不勝愁回首銀河看自轉
明月已西難可留君不見滄浪垂
釣誰家子終宵不繫一扁舟

妓王怨

京洛兒女誇歌謳趙曲秦聲各自嬌
共稱佳麗白拍子王侯貴戚爭
招邀黃金萬鎰供此費咫尺雲霄路
不遠妾本生長洛城裡家住洛水第
三橋上有阿母下阿妹阿妹齊蒙膝
下愛生來不知蠶織事童齒先學
画眉黛漸長鳴箏知其音也能學
舞解其態十四五嬌不持路傍注
目少年輩歌舞日臨良燕會白拍
子中稱無對相傳字妾喚妓王掄
袂蹀躞麗人場一朝選入相國第
相國甲筭王爲堂平氏一門人所羨
貴盛由來誰復當皇后相國之息女
公卿相國之諸郎其餘庶族皆顯
仕紫綬青綬金銀章何幸一自

承顧眄亦知此身係姬姜綺窗繡戶雲母帳豪華妬
殺金谷莊誰道妾家元寒賤榮華一旦生輝光食前
乃丈供阿母阿妹任著錦衣裳春風滿園花無盡芳
樹日夕為君香且羨將雛梁上燕更比池中兩鴛鴦
妾君寢食偏在妾奉恩日夜侍君傍置酒新開曲室
宴隨例臨筵勸羽觴歌笑喧然歡未半報道佳人自
北方君不回首為妾謝妾引相迎鸞幃麝朱唇皓齒
綵二八婀娜就坐倚紅粧新聲繁曼歌一闋忽見浮
塵動画梁一顧誰思傾君意君意變遷本無常紈扇
昔賦班姬怨漢宮秋至不勝涼惆悵作歌聊寄思屏

障留題兩三行志決將赴長川畔母老妹弱生彷徨
母也妹也相持泣對之新盡九迴腸舉目且悲搖落
候梧桐葉上青已黃蟋蟀哀吟如有訴河漢西流更
漏長憶昨瑤臺明月夜明月依舊照空牀風光駒隙
看自轉唯見庭上露為霜萬感相集耿無寢獨乘遠
夜出空房投跡且住嵐山下巖扉松徑一茅舍桂洲
悠悠去不回歲月人間歎逝者為春為秋夢劫間草
草萋萋嵯峨野阿母阿妹相逐來相從身世共相捨
鬢髮如雲已成塵此身何物又非假昔聞滄海變為
田今見金閨為蘭若若樂一覺片時夢山花供佛手

自托母子此外無所營勝因朝暮唱佛名攝取之誓
長不朽願生西天極樂城

蒲都萃詞

毒有所思遠在洛陽城西桂水湄相公日夜耽宴樂
鸞歌鳳吹無息時黃金屋裡留毒住心緒千端人不
知昨日高門含笑入豈思今日使君悲一彼一此愛
情變哀來樂往誰復持莫道新人歡笑舊人泣對酒
將歌淚先垂哀音入風散秋風夜正半寡罷相公眠
下堂獨長歎感君秋草辭肝腸幾回折桂水之湄何
處尋欲往從君語弄心承恩失寵俱薄命西山落日

曉沈々

小宰相詞

壽永喪亂離舊京鸞輿西幸誰復迎百官諸將無他
族夫婿親戚盡從行諸將多是與家別夫婿不負連
理盟辛苦艱險干戈際相携相從同死生四海九州
無地託到處搖々似懸旌廻軫舊京何為晚側身設
望女子情攝西暫留行在所負海依山千仞城據此
害為禁衛左掖右掖各連營夫婿晝夜擐金甲倚
鞍指揮羽林兵娥眉宛轉何緣画鏡匣掩塵粧不成
烽火夜照綺羅帳軍中騷擾夢易驚萬馬忽從層霄

下地裂天崩。擊鼓聲。豈知與君此相失。遂散消魂泛
海瀛。鯨波奔騰。千萬里。寄命扁舟。一葉輕。諸從兄弟
爭戰死。別生別。誰記名。夫婿何事。無消息。彼此悠
々。竟難測。萬乘天子。尚蒙塵。運移荼毒。遭此極。君自
大臣任。已重定。知今日。亦徇國。生欲奉顏。今安在。求
骨砂礫。那可得。哀號慟絕。長吞聲。強自定。神空相。心
昨夜城中。作別時。何異當年。虞氏悲。楚歌四面。時不
利。滄浪千行。滿面垂。丈夫壯心。不回首。但言出戰。常
若斯。嚴駕倉皇。分手去。一去永訣。無見期。死報國恩。
君所分。毒也。今生復何之。生前舊盟。有如海。負固元
願。為洲渚。鳥比翼。雙々不暫離。

觀瀟湘八景圖歌

比松柏姿。投身汗漫。知歸處。天地茫茫。積水涯。幽魂
願為洲渚。鳥比翼。雙々不暫離。

晴

瀟湘之岸。何慘淡。帝妃雨泣。風濤惡。遠夜蕭々。灑斑
竹。旅泊無聊。誰繫纜。明發不知向何邊。但見山水遠。
綿連山郭。水村自來往。魚鹽樵採。且年々。林巒如托。
彩翠麗。晴景明媚。亦可憐。極目鄉程。通積水。孤帆破
接長天。斜陽半落。漁磯晚。家々。打魚人。未返數層
梵閣。杳靄間。定知華鯨。傳警遠。病雁聯翩。下沙洲。乾
坤忽入洞庭秋。明月無盡光。汗漫月先水。色夜悠々。

有客疑是登仙子去將乘空一扁舟物候推遷不相
待木落波惡朔風愁雨雪群峰凍雲合北渚南岸飛
不休如此江山一幅中收來今見画笔工朝暉夕陰
態非一瀟湘洞庭望自通君不見殊方異俗千萬里
依稀坐對日本東

四言古詩

送矢田大夫西上詩三首

并序

倪天作合關雖音興天下毋則從此始大夫奉

東轍王命入賀作是詩送之

二儀初判開我東方邈矣

皇祖並明大陽赫々在天仰止以光承祚一姓億載
無疆於鑠

桓武爰景爰岡相彼中土作此上京魏々文物率由
舊章大平

天子端拱明堂坤元定基玄雲呈祥皇朝有慶萬
邦所望

萬邦同慶庶民抃舞况乎我王國之肺腑雖來
居東乃喜西顧彼有良嶽維王所宇壯哉宮觀爰
與今古層寸雲合九有降雨鎮我皇京施及率土
載命使臣賀天之祐庭實旅百獻于帝所使臣祇

役遵洛之詩

祇役誰居大夫出使雨雪濼々歲云晏矣皇華式歌
行色以羨肅々于征豈憚千里五十三驛山川邈迤
望彼帝京佳氣鬱起冠蓋絡繹周道如砥宇內鬪湊
爰攸底止薄言竣質歸朝亦邇大夫有勤 王其勞
爾

。七言律詩五十七首

七言古詩七首

四言古詩一首

